

稼

軒

長

短

句

稼軒長短句卷之七

新荷葉

和趙德莊韻

人已歸來杜鵑欲勸誰歸綠樹如雲等閑
付與鶯飛兔葵燕麥問劉郎幾度沾衣翠
屏幽夢覺來水遶山園有酒重携小園
隨意芳菲往日繁華而今物是人非春風
半面記當年初識崔徽南雲鴈少錦書魚
簡因依

再和前韻

春色如愁行雲帶雨纔歸春意長閑游綠
盡日低飛閑愁幾許更晚風特地吹衣小
窗人靜茶聲似解重圍 光景難携任他
鷓鴣芳菲細數從前不應詩酒皆非知音
絃斷笑淵明空撫餘徽停杯對影待邀明
月相依

再題傳巖叟悠然閣

種豆南山零落一頃為其歲晚淵明也吟

草畝苗稀風流剗地向尊前采菊題詩悠
然忽見此山正遠東籬 千載襟期高情
想像當時小閣橫空朝來翠撲人衣是中
真趣問騁懷遊目誰知無心出岫白雲一
片孤飛

趙茂嘉趙晉臣和韻見約初秋
訪悠然再用韻

物盛還衰眼看春葉秋真貴賤文情翟公
門外人稀酒酣耳熱又何須幽憤裁詩茂

林脩竹小園曲迳疎籬 秋以為期西風
黃菊開時拄杖敲門任他顛倒裳衣去年
堪笑醉題詩醒後方知而今東望心隨去
鳥先飛

上巳日吳子似謂古今無此詞

索賦

曲水流觴賞心樂事良辰蘭蕙光風轉頭
天氣還新明眸皓齒看江頭有女如雲折
花歸去綺羅陌上芳塵 能幾多春試聽

啼鳥殷勤對景興懷向來哀樂紛紛且題
醉墨似蘭亭列叙時人後之覽者又將有
感斯文

徐思上巳乃子似生日因改定

曲水流觴賞心樂事良辰今幾千年風流
禊事如新明眸皓齒看江頭有女如雲折
花歸去綺羅陌上芳塵 絲竹紛紛楊花
飛鳥銜巾傘似羣賢茂林脩竹蘭亭一觴
一詠亦足以暢叙幽情清歡未了不如留

住青春

御銜行

無題

闌干四面山無數
供望眼朝些暮好風催
雨過山來吹盡一簾煩
暑紗厨如霧罩紋
如水別有生涼處
冰肌不受鉛華汚更
旒旒真香緊臨風一曲
最妖嬌唱得行雲
且任藕花都放木犀開
後待些乘鸞去

山中問盛漢之提幹行期

山城甲子冥冥雨門外青泥路杜鵑只是
等閑啼莫被他催歸去垂楊不語行人去
後也會風前絮情知夢裏尋鶺鴒玉殿
迢遞處怕君不飲太愁生不是苦留君住
白頭笑我年年送客自喚春江渡

祝英臺近

晚春

寶釵分桃柔渡烟柳暗南浦怕上層樓十
日九風雨斷腸片片飛紅都無人管更誰

勸啼鶯聲住 鬢邊覩應把花卜歸期才
替又重數羅帳燈昏啞咽夢中語是他春
帶愁來春歸何處却不能帶將愁去

典客飲瓢泉客以泉聲喧靜為
問余醉未及答或者以蟬噪林
逾靜代對意甚美矣翌日為賦
此詞以褒之

水從橫山遠近拄杖占千頃老眼羞明水
底看山影試教水動山搖吾生堪笑似此

箇青山無定 一瓢飲人問翁愛飛泉來
尋箇中靜遠屋聲喧怎做靜中境我眠若
且 歸休維摩方丈待天女散花時問

婆羅門引

別杜井高井高長於楚詞

落花時節杜鵑聲裏送若歸未消文字湘
纍只怕蛟龍雲雨後會渺難期更何人念
我老大傷悲 已而已而算此意只若知
記水岐亭買酒雲洞題詩寧如不見纔相

見便有別離時千里月兩地相思

用韻別郭達道

綠陰啼鳥陽關未澈早催歸歌珠悽斷纍
纍回首海山何處千里共襟期嘆高山流
水絃斷堪悲中心悵而似風雨落花知
更擬傳雲君去細和陶詩見君何日待瓊
林宴罷醉歸時人爭看寶馬來思

用韻答傳先之時傳宰龍泉

龍泉佳處種花蒲縣却東歸腰間玉若金

累須信功名富貴長與少年期
悵高山流水古調今悲
卧龍暫而算天上有人知
最好五十學易三百篇詩
男兒事業看一日須有致
若時瑞的了休便尋思

用韻答趙晉臣敷文

不堪鸚鵡早教百草放
春歸江頭愁殺吾
纍却覺君侯雅句千載共
心期便留春甚
樂樂了須悲
穠而素而被花惱
只鷺知
正要千鍾角酒
五字裁詩
江東日暮道
續

斧人去未多時還又要玉殿論思

趙晉臣敷文張燈甚盛索賦偶
憶舊游末章因及之

落星萬點一天寶焰下層霄人間疊作僊
鼉鼎愛金蓮側畔紅粉裝花梢更鳴鼉擊
鼓噴玉吹簫 曲江畫橋記花月可憐宵
想見閑愁未了宿酒繞消東風搖蕩似楊
柳十五女兒腰人共柳那箇無聊

千年調

開山徑得石壁因名曰蒼壁事
出望外意天之所賜和喜而賦
左手把青霓右手扶明月吾使豐隆前導
叫開閭闔周遊上下徑入寥天一覽玄圃
萬斛泉千丈石 鈞天廣樂燕我瑤之席
帝飲予觴甚樂賜汝蒼壁嶙峋突兀正在
一丘壑余馬懷僕夫悲下恍惚

庶菴小閣名曰危言作此詞以

嘲之

卮酒向人時和氣先傾倒鼎晏然然可可
萬事稱好滑稽坐上更對鴟夷笑笑寒與熱
揔隨人甘國老少年使酒出口人嫌拗
此箇和合道理近日方曉學人言語未會
十分巧看他門得人憐秦吉了

粉蝶兒

和趙晉臣敷文賦落梅

昨日春如十三女兒學繡一枝枝不教花
瘦甚無情便下得雨傷風儘向園林鋪作

地衣紅繡 而今春似輕薄蕩子難久記
前時送春歸後把春波都釀作一江醇酎
約清愁揚柳岸邊相候

千秋歲

金陵壽史帥政道時有版築役
塞垣秋草又報平安好尊俎上英雄表金
湯生氣象珠玉霏譚笑春近也梅花得似
人難老 莫惜金尊倒鳳詔看看看到留不
住江東小溪容帷幄去整頓乾坤了千百

歲從今盡是中書考

江神子

和人韻

賸雲殘日弄陰晴晚山明小溪橫枝上錦
蠻休作斷腸聲但是青山山下路青到處
揔堪行 當年綵筆賦燕城憶平生若為
情試把靈槎歸路問君平花底夜深寒較
甚須拚却玉山傾

又

梨花着雨晚來晴
月籠明淚縱橫
繡閣香深
深鎖鳳簫聲
未必人知春
盡思還獨自
遶花行
酒兵昨夜壓
愁城太狂生
轉關情
寫盡胸中
磊未全平
却與平章
珠玉價
看醉裏
錦囊傾

和陳仁和韻

玉簫聲遠憶
驂鸞幾悲歡
帶羅寬且對
花前痛飲
莫留殘
歸去小窗
明月在雲
一縷玉千竿
吳霜應點
鬢雲斑
倚窗閑
夢連

環說夢東風歸興有無間
芳草姑蘇臺下
路和淚看小屏山

又

寶釵飛鳳鬢驚鸞望重歡水雲寬腸斷
新來翠被粉香殘待得來時春盡也
梅結子
笋成竿
湘筠簾卷泪痕斑
珮聲閑玉墜
環箇裏溫柔容我老其間
却笑平生三羽
箭何日去定天山

和人韻

梅梅柳柳鬪纖縷亂山中為誰容試看春
衫依舊怯東風何處踏青人未去呼女伴
認驕驄 兒家門戶幾重重記相逢畫樓
東明日重來風雨暗殘紅可惜行雲春不
管裙帶褪鬢雲鬆

博山道中書王氏壁

一川松竹任橫斜有人家被雲遮雪後跡
梅時見兩三花比着桃源溪上路風景好
不爭些 旗亭有酒徑須賒晚寒咱怎禁

他醉裏匆匆歸騎自隨車
白髮蒼顏吾老矣
只此地是生涯

聞蟬蛙戲作

簾鋪湘竹帳籠紗
醉眠此夢天涯
一枕驚回
水底沸鳴蛙
借問喧天
成鼓吹
良自苦
為官哪
心空喧靜
不爭多
病維摩
意云
何掃地燒香
且看散天花
斜日綠陰枝上
噪還又問
是蟬麼

送元濟之歸豫章

亂雲擾擾水潺潺笑溪山幾時閑更覺桃

源人去隔僂仞

桃源乃王氏酒壚
典濟之作別處

萬壑千

巖樓外雪瓊作樹玉為欄

倦遊回首且

加餐短篷寒畫罔間見說嬌顰擁髻待君
看二月東湖湖上路官柳嫩野梅殘

賦梅寄余升良

暗香橫路雪垂垂晚風吹曉風吹花意爭
春先出歲寒枝畢竟一年春事了綠大早
却成遲 未應全是雪霜姿
歌開時未開

時粉面朱脣一半點
胭脂醉裏誇花花莫
恨渾冷澹有誰知

別吳子似未寄潘德久

看君人物漢西都
過吾廬笑譚初
便說公卿元自要
通儒一自梅花開了
後長怕說賦歸歎
而今別恨滿江湖
怎消除
算何如
杖屨當時聞
早放教
跡今代故交
新貴後渾不寄
數行書

侍者請先生賦詞自壽

兩輪屋角走如梭太忙些怎禁他擬倩何
人天上勸羲娥何似從容來少住傾美酒
聽高歌 人生今古不消磨積教多似塵
沙未必堅牢剗地事堪嗟莫道長生學不
得學得後待如何

和李能伯韻呈趙晉臣

五雲高處望西清玉階升棣華榮築屋溪
頭樓觀畫難成長夜笙歌還起問誰放月
又西沈 家傳鴻寶舊知名看長生奉嚴

宸且把風流水北畫者英咫尺西風詩酒
社石鼎句要彌明

青玉案

元夕

東風夜放卷千鈿更吹落星如雨寶馬雕
車香滿路鳳簫弄動玉壺光轉一夜魚龍
舞 蛾兒雪柳黃金縷笑語盈盈暗香去
衆裏尋它千百度驀然迴首那人却在燈
火闌珊處

感皇恩

滁州壽范倅

春事到清明十分花柳喚得笙歌勸君酒
酒如春好春色年年依舊青春元不老君
知否 席上看君竹清松瘦待與青春鬪
長久三山歸路明日天香襟袖更持金盞
起為君壽

又

七十古來稀人人都道不是陰功怎生到

松姿雖瘦偏耐雪寒霜曉看君雙鬢底青
青好樓雪初晴庭闈嬉笑一醉何妨玉
壺倒泛今康健不用靈丹佛草更看一百
歲人難老

慶孀母王恭人七十

七十古來稀未為希有須是榮華更長久
滿床靴笏羅列兒孫新婦精神渾似箇西
王母遙想畫堂兩行紅袖妙舞清歌擁
前後大男小女逐箇出來為壽一箇一百

歲一杯酒

讀莊子聞朱晦菴郎世

按上數編書非莊即老會說忘言始知道
萬言千句不自能忘堪笑今朝梅雨霽青
天好 一壺一丘輕衫短帽白髮多時故
人少子雲何在應有玄經遺草江河流日
夜何時了

壽鉛山陳丞及之

富貴不須論公應自有且把新詞祝公壽

當年僊桂父子同攀希有人言金殿上他
年又 冠冕在前周公拜手同日催班魯
公後此時人羨綠鬢朱顏依舊親朋來賀
喜休辭酒

行香子

三山作

好雨當春要趁歸耕况而今已是清明小
窗坐地側聽簷聲恨夜來風夜來月夜來
雲 花絮飄零鷺燕丁寧怕妨儂湖上閑

行天心肯及費甚心情放霎時陰霎時雨
霎時晴

山居客五

白雲園蔬碧水溪魚笑先生釣罷還鋤小
窗高卧風展殘書看北山移盤谷存朝川
圖白飯青芻赤脚長鬚客來時酒盡重
沽聽風聽雨吾愛吾廬嘆苦吾心剛自瘦
此君疎

博山戲呈趙昌甫材仲心

少日嘗聞富不如貧貴不如賤者長存由
來至樂揔屬閑人且飲瓢泉弄秋水看傳
雲 歲晚情親老語彌真記前時勸我殷
勤都休帶酒也莫論文把相牛經種魚法
教見孫

雲巖道中

雲岫如簪野漲授藍向春闌綠醒紅酣青
裙縞袂兩兩三三把麪生禪玉版局一時
參 拄杖彎環過眼嵌巖岸輕烏白髮鬢

鬢他年來種萬桂千杉聽小綿蠻新格磔
舊呢喃

一翦梅

游蔣山呈葉丞相

獨立蒼茫醉不歸日暮天寒歸去來兮探
梅踏雪幾何時令我來思楊柳依依白
石岡頭曲岸西一片閑愁芳草萋萋多情
山鳥不須啼桃李無言下自成蹊

中秋無月

憶對中秋丹桂叢花
在杯中月在杯中今
宵接上一樽同雲
濕紗窗雨濕紗窗
渾欲乘風問化工路
也難通信也難通
蒲堂惟有燭花紅
杯且沒容歌且沒容

踏莎行

庚戌中秋後二帶湖篆岡小酌
夜月樓臺秋香院
字笑吟吟地人來去是
誰秋到便淒涼
當年宋玉悲如許
隨分杯盤等閑歌舞
問他有甚堪悲處
思量却

也有悲時重陽節近多風雨

賦木犀

弄點闌干吹香蕊
谷枝枝點點黃金粟
未堪收拾付重爐
窗前且把離騷讀
奴僕
幾卷兒曹金菊一
秋風露清涼足
傍邊只欠箇姮娥
分明身在蟾宮宿

賦稼軒集經句

進退存亡行藏用舍
小人請學樊須稼衡
門之下可棲遲日之夕
矣牛羊下去衛

靈公遭桓司馬東西南北之人也長沮桀
溺耦而耕丘何為是栖栖者

和趙國典知錄韻

吾道悠悠憂心悄悄最無聊處秋光到西
風林外有啼鴉斜陽山下多衰草長憶
商山當年四老塵埃也走咸陽道為誰書
到便慵然至今此意無人曉

穆軒長短句卷之七

稼軒長短句卷之八

定風波

少日春懷似酒濃
插花走馬醉千鍾
老去逢春如病酒
唯有茶甌香篆小
簾櫳盡殘花
風未定
休恨花開元自要
春風試問春歸誰得見
飛燕來時相遇
夕陽中

大醉歸自葛園
家人有痛飲之
戒故書于壁

昨夜山翁倒載歸
兒童應笑醉如泥
試與

扶頭渾未醒休問夢魂猶在葛家溪
欲覓醉鄉今古路知處溫柔東畔白雲西起
向綠窗高處看題徧劉伶元自有賢妻

用藥名招婺源馬荀仲游雨嵩
馬善醫

山路風來草木香雨餘涼意到胡床泉石
膏盲吾已甚多病隄防風月費篇章
孤負尋常山簡醉獨自故應知子草玄忙湖
海早知身汗漫誰伴只甘松竹共淒涼

藥名

仄月高寒水石鄉倚空青碧對禪房白髮
自憐心似鐵風月史君子細與平章平
昔生涯筇竹杖來往却慙沙鳥笑人忙便
好賸留黃絹句誰賦銀鈎小草晚天涼

施樞密聖典席上賦

春到蓬壺特地精神儼隊裏相公行翠玉
相簇呼小字須記笑簪花底是飛瓊
是傾城來一處誰妬誰携歌舞到困亭柳

二四十一
新集卷之四
二
妬腰肢花妬艷聽看綠鶯直是妬歌聲

席上送范先之遊建鄴

聽我尊前醉後歌人生無奈別離何但使
情親千里近須信無情對面是山河 寄
語石頭城下水居士而今渾不怕風波借
使未成鷗鳥伴經慣也應學得老漁叢

三山送盧國華提刑約上元

重來

女日猶堪話別離老來怕作送行詩極目

南雲無馬過君看梅花也解寄相思 無
限江山行未了父母不須和泪看旌旗後
會丁寧何日是須記春風十里放燈時
用韻時國華置酒歌舞甚盛

莫望中州嘆黍離元和聖德要君詩老去
不堪誰似我歸卧青山活計費尋思 誰
築詩壇高十丈直上看君斬將更搴旗歌
舞正濃還有語記取鬚鬢不似少年時

自和

金印纍纍佩陸離河梁更賦斷腸詩莫擁
旌旗真箇去何處玉堂元自要論思且
約風流三學士同醉春風看試幾搶旗從
此酒酣明月夜耳熱那邊應是說儂時

賦杜鵑花

百紫千紅過了春杜鵑聲苦不堪聞却解
啼教春小住風雨空山招得海棠魂恰
似蜀宮當日女無數猩猩血染赭羅巾畢
竟花開誰作主記取大都花屬惜花人

再用韻和趙晉臣敷文

野草閑花不當春杜鵑却是舊知聞謾道
不如歸去住梅雨石榴花又是離魂前
殿羣臣深殿女赭袍一點萬紅巾莫問興
亡今幾主聽取花前毛羽已羞人

破陣子

爲范南伯壽時南伯爲張南軒
辟宰廬溪南伯遲遲未行因作

此詞勉之

擲地劉郎玉斗挂帆西子扁舟千古風流
今在此萬里功名莫放休君王三百州
燕雀豈知鴻鵠貂蟬元出兜鍪却笑盧溪
如斗大肯把牛刀試手不壽君雙玉甌

爲陳同甫賦壯詞以寄之

醉裏挑燈看劍夢回吹角連營八百里分
麾下爲五十絃翻塞外聲沙場秋點兵
馬作的盧飛快弓如霹靂弦驚了却

君王天下事贏得生前身後名可憐白髮

生

贈行

少日春風滿眼而今秋葉辭柯便好消磨
心下事也憶尋常醉後歌新來白髮多
明日扶頭顛倒倩誰伴舞婆婆我定思君
拚瘦損君不思兮可奈何天寒將息呵

趙晉臣敷文幼女縣主覓詞

菩薩叢中惠眼碩人詩裏娥眉天上人間
眞福相畫就描成好靨兒行時嬌更遲

勸酒偏他最劣笑時猶有些癡更著十年
君看取兩國夫人更是誰毅勤秋水詞
峽石道中有懷吳子似縣尉

宿麥畦中雉鳴柔桑陌上蠶生騎火須防
花月暗玉唾長携綠筆行隔牆人笑聲

莫說多刀事業依然詩酒功名千載箇中
今古事萬石溪頭長短亭小塘風浪平時備

圖經集
亭墩

臨江俛

探梅

老去惜花心已懶，愛梅猶遠江村一枝先。
破玉溪春更無花，態度全是雪精神。賸
向空山餐秀色，爲渠著句清新。竹根流水
帶溪雲，醉中擘不記歸路。月黃昏。

醉宿崇福寺寄祐之弟，被之以
僕醉先歸。

莫向空山吹玉笛，壯懷酒醒心驚。四更霜
月太寒生。被翻紅錦浪，酒滿玉壺冰。小

陸未須臨水笑山林我輩鍾情今宵依舊
醉中行試尋殘菊處中路候淵明

再用韻送祐之等歸浮梁

鍾鼎山林都是夢人間寵辱休驚只消閑
處過平生酒盃秋吸露詩句夜裁冰 記
取小窗風雨夜對床燈大多情問誰千里
伴君行曉山眉樣翠秋水鏡般明

又

小靨人憐都恁瘦曲眉天與長顰沉思歡

事惜腰身枕添離別泪粉落却深勻翠
袖盈盈渾力薄玉笙嫋嫋愁新夕陽依舊
倚窗塵葉紅苔鬱碧深院斷無人

又

逗曉鶯啼聲昵昵掩關高樹冥冥小集春
浪細無聲井床聽夜雨出蕪轆轤青碧
草旋荒金谷路烏絲重記蘭亭強扶殘醉
遠雲屏一枝風露濕花重入疎櫺

即席和耕南澗韻

三十一
新車
風雨催春寒食近平原一片丹青溪頭喚
渡柳邊行花飛胡蝶亂桑嫩野蠶生 綠
野先生閑袖手却尋詩酒功名未知明日
定陰晴今宵成獨醉却笑衆人醒

為岳母壽

住世都知善薩行儒家風骨精神壽如山
岳福如雲金花湯沐誥竹馬綺羅羣 更
願升平添喜事大家禱祝毅勤明年此地
慶佳辰一杯千歲酒重拜太夫人

和信守王道夫韻謝其為壽時

僕作閩憲

記取年年為壽客只今明月相隨莫教絃
管便生衣引壺觴自酌湏富貴何時入
手清風詞更好細書白蠶烏絲海山問我
幾時歸棗瓜如可啖直欲覓安期

又

春色饒君白髮了不妨倚綠偎紅翠鬟催
暖出房櫺垂肩金縷窄蘸甲寶杯濃睡

起鴛鴦飛燕子門前沙暖泥融畫樓人把
玉西東舞低花外月唱澈柳邊風

又

金谷無煙宮樹綠嫩寒生怕春風博山微
透暖薰籠小樓春色裏幽夢雨聲中別
浦鯉魚何日到錦書封恨重重海棠花下
去年逢也應隨分瘦忍淚覓殘紅

戲為期思磨老壽

手種門前烏桕樹而今千尺蒼蒼田園只

是舊耕桑盃盤風月夜簫鼓子孫忙 七
十五年無事客不妨兩鬢如霜綠函剡地
調紅粧更沒今日醉三萬六千場

又

手批黃花無意緒等閑行盡回廊卷蠶芳
桂散餘香枯荷難睡鴉跡雨暗池塘 憶
得舊時携手處如今水遠山長羅巾浥泪
別殘粧舊歡新夢裏閑處却思量

和葉仲洽賦羊桃

憶醉三山芳樹下，幾曾風韻忘。懷黃金顏
色，五花開味如盧橘。熟貴似荔枝來。聞
道商山餘四老，橋中自釀秋醅。試呼名品
細推排。重重香肺腑，偏帶聖賢杯。

又

冷鴈寒雲巢有恨，春風自滿余懷。更教無
日不花開。未須愁鬢盡，相次有梅來。多
病近來，渾心酒小槽，空壓新醅。青山却自
要安排，不須連日醉，且進兩三杯。

侍者阿錢將行賦錢字以贈之
一自消情詩興懶舞裙歌扇闌珊好天良
夜月團團杜陵真好事留得一錢看歲
晚人欺程不識怎教阿堵留連楊花榆莢
雪漫天從今花影下只看綠苔圓

諸葛元亮席上見知再用韻

歎語南堂新瓦響三更急雨珊珊交情莫
作碎沙團死生貧富際試向此中看記
取他年耆舊傳與君名字牽連清風一枕

晚涼天覺未還自笑此夢倩誰圓

壬戌歲生日書懷

六十二年無限事從頭悔恨難
追已知六十二年非只應今日是後日
又尋思少是多非惟有酒何須過後
方知從今休似去年時病中留家飲
醉裏知人詩

窄樣金杯教換了房櫳試聽珊珊
莫教秋扇雪團團古今悲笑事長付
後人看
記
取桔槔春雨後短畦菊艾相連拙
於人處

巧於天君看涖地水難得正方圓

右再用
圓字韻

戲為山園葵壁解嘲

莫笑吾家蒼壁小稜屢勢欲摩空相知惟
有主人翁有心雄泰華無意巧玲瓏天
作高山誰得料解嘲試倩楊雄君看當日
仲尼窮沒人賢子貢自欲學周公

簪花屢墮戲作

鼓子花開春爛熳
荒園無限思量
今朝柱杖過西鄉
急呼挑葉渡為看
牡丹忙不

管昨宵風雨橫依然紅紫成行白頭陪奉
少年場一枝簪不住推道帽簷長

又

醉帽吟鞭花不住却招花共商量人生何
必醉為鄉後教斟酒淺休更和詩忙一
斗百篇風月地饒他老子當行從今三萬
六千場青青頭上髮還作柳絲長

昨日得家報牡丹漸開連日少
雨多晴常年未有僕留龍安著

寺諸君亦不果來豈牡丹留不
住爲可恨邪因所來韻爲牡丹

下一轉語

祇怨牡丹留不住與春約束分明未開微
雨半開晴要花開空準又更與花盟 魏
紫朝來將進酒玉盤盃樣先呈鞞紅似向
舞腰橫風流人不見錦繡夜間行

又

老去渾身無着處天教只住山林百年光

景百年心更歡須歎息無病也呻吟
試向浮瓜沈李處清風散髮披襟莫嫌淺後
更頻斟要他詩句好須是酒杯深

停雲偶作

偶向停雲壑上坐曉猿夜鶴驚猜主人何
事太塵埃低頭還說向被君又還來
多謝北山山下老毅勤一語佳哉借君竹杖
與芒鞋徑須從此去深入白雲堆

蝶戀花

和趙景明知縣韻

老去怕尋年少伴
畫棟朱簾風月無人管
公子看花朱碧亂
新詞攪斷相思怨
涼夜愁腸千百轉
一鴈西風錦字何時遣
畢竟啼鳥才思短
喚回曉夢天涯遠

和楊濟翁韻首句用丘宗知書

中語

點檢笙歌多釀酒
胡蝶西園暖日明
花柳醉倒東風眠
晝錦覺來小院重携手
可

惜春殘風又雨收拾情懷閑把詩優悠楊柳見人離別孩腰肢近日和他瘦

送楊濟翁韻錢范南伯知縣歸

京口

泪眼送君傾似雨不折垂楊只倩愁隨去
有底風光留不住烟波萬頃春江艣老
馬臨涼癡不渡應惜障泥忘了尋春路身
在稿軒安穩處書來不用多行數

席上贈楊濟翁侍兒

小小年華才月半羅幕春風幸自無人見
剛道羞郎低粉面旁人瞥見回嬌盼 昨
夜西池陪女伴柳困花慵見說歸來晚勸
客持觴渾未慣未歌先覺花枝顫

用趙文鼎提舉送李正之提刑

顏送鄭允英

莫向樓頭聽漏點說與行人默默情千萬
總是離愁無近遠人間見女空恩怨 錦
繡心曾冰雪面舊日詩名曾道空梁燕傾

蓋未償平日願一杯早唱陽關勸

客有燕語鶯啼人乍遠之句用
為首句

燕語鶯啼人乍遠却恨西園依舊鶯和燕
幾語十分愁一朶翠圓特地春光暖只
道書來無過鴈不道柔腸近日無腸斷
玉莫搖湘泪點怕若喚作秋風扇

送祐之第

衰草斜陽三萬頃不算飄零天外孤鴻影

幾許淒涼須痛飲行人自向江頭醒
會
少離多看兩鬢萬縷千絲何況新來病不
是離愁難頓整被他引惹其他恨

元日立春

誰向枰盤簪綠勝整整韶華掌上春風鬢
往日不堪重記者為花長把新春恨 春
未來時先借問晚恨開遲早又飄零近今
歲花期消息定只愁風雨無憑準

月下醉書兩巖石浪

九畹芳菲蘭佩好空谷無人自怨蛾眉巧
寶瑟泠泠千古調朱絲絃斷知音少 冉
冉年華吾自老水滿汀洲何處尋芳草喚
起湘纍歌亦了石龍舞罷松風曉

用前韻送人行

意態慙生元自好學畫鴉兒舊日偏他巧
蜂蝶不禁花引調西園人去春風少 春
已無情秋又老誰管閑愁千里青青草今
夜倩簪黃菊了斷腸明日霜天曉

又

洗盡襟心隨法喜看兩尊前秋思如春意
誰與先生寬髮齒醉時唯有歌而已 歲
月何須溪上記千古黃花自有淵明比高
臥石龍呼不起微風不動天如醉

又

何物能令公怒喜山要人來人要山無意
恰似袞筆絃下齒千情萬意無時已 自
要溪堂轉作記今代樛雲好語花難比老

三十三
新車
一七
眼狂花空處起銀鈎未見心先醉

小重山

席上和人韻送李子永提幹

旋製離歌唱未成陽關先畫出柳邊亭中
年懷抱管絃聲難忘處風月此時情 夜
雨共誰聽儘教清夢去兩三程商量詩價
重連城相如老漢殿舊知名

三山與客泛西湖

綠漲連雲翠拂空十分風月處著衰翁垂

揚影斷岸西東。君恩重教且種夫容。
十里水晶宮。有時騎馬去笑兒童。殷勤却
謝打頭風。舡兒住且醉浪花中。

末利

倩得薰風染綠衣。國香收不起。透冰肌。略
開些箇。未多時。幽兒外却早被人知。越
惜越嬌癡。一枝雲鬢上。那人宜。莫將他去
比荼蘼。分明是他更韻些兒。

南鄉子

隔戶語春鶯，繞掛簾兒，欵袂行。漸見凌波羅襪步，盈盈隨笑，隨顰百媚生。着意聽新聲，盡是司空自教成。今夜酒腸，難道窄多情，莫放紗籠蠟炬明。

舟行記夢

歌枕艣聲邊，貪聽呶啞，醉眠夢裏笙歌。花底去依然，翠袖盈盈在眼前。別後兩眉尖，欲說還休，夢已闌。只記埋冤前夜月，相看不管人，慙獨自圓。

慶前岡周氏旌表

無處着風光
天上飛來詔十行
父老懽呼
童穉舞前岡
千載周家孝義鄉
草木盡
芬芳更覺溪頭水也香
我道烏頭門側畔
諸郎準備他年畫錦堂

送趙國宜赴高安戶曹

趙乃茂
嘉郎中

之子茂嘉嘗為高
安幕官題詩甚多

日日老萊衣
更解風流蠟鳳嬉
膝上放教
文度去
須知要使人看玉樹枝
剡記乃

翁詩綠水紅蓮覓舊題歸騎春衫花滿路
相期乘歲流觴曲水時

登京口北固亭有懷

何處望神州滿眼風光北固樓千古興亡
多少事悠悠不盡長江滾滾流年少萬
壘塵歎東南戰未休天下英雄誰敵手
曹劉生子當如孫仲謀

孫軒長短句卷之八